



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba
Broj: SuPK-04-962/20
Brčko, 29.07.2020. godine

SAOPŠTENJE ZA JAVNOST

***POSLANIKU SKUPŠTINE NIJE PRIZNATO PRAVO NA IMUNITET
POSILIJE ČEGA JE POTVRĐENA ODLUKA O ODREĐIVANJU PRITVORA***

U krivičnom predmetu protiv Ćazima Dačaja iz Brčkog, poslanika u Skupštini Brčko distrikta BiH, koji se sumnjiči da je izvršio krivično djelo Zloupotreba položaja ili ovlašćenja iz člana 377. stav (3) u vezi sa stavom (1) Krivičnog zakona Brčko distrikta BiH, Apelacioni sud Brčko distrikta BiH donio je odluku kojom je utvrdio da osumnjičeni nema pravo na imunitet od krivičnog gonjenja, jer radnje koje predstavljaju osnov za pokretanje krivičnog postupka nisu izvršene u okviru njegovih dužnosti, niti direktno proističu iz dužnosti koje osumnjičeni kao poslanik ima u Skupštini Brčko distrikta BiH.

Nakon navedene odluke, Apelacioni sud je rješenjem odbio žalbu branilaca osumnjičenog izjavljenu protiv rješenja Osnovnog suda Brčko distrikta BiH kojim mu je određen jednomjesečni pritvor, ocijenivši neosnovanim žalbene navode da osumnjičenom pritvor nije mogao biti određen jer kao poslanik u Skupštini ima imunitet od krivičnog gonjenja.

Pritvor je osumnjičenom određen na osnovu odredbe člana 132. stav (1) tačka b) Zakona o krivičnom postupku Brčko distrikta BiH i Apelacioni sud je u postupku po žalbi utvrdio da je prvostepeni sud pravilno ocijenio da u konkretnom slučaju postoje naročite okolnosti koje ukazuju da će osumnjičeni ometati krivični postupak uticajem na svjedoke.

Inače, shodno Zakonu o imunitetu Brčko distrikta BiH, poslanici u Skupštini Brčko distrikta BiH mogu se pozvati na imunitet za krivičnu odgovornost samo za radnje izvršene u okviru njihovih dužnosti ili koje direktno proističu iz njihovih dužnosti, ali se imunitet ne može smatrati opštom preprekom za krivično gonjenje u konkretnom slučaju.

**POMOĆNIK SEKRETARA-PORTPAROL
PRAVOSUDNE KOMISIJE**

Dejan Đurović